

Na osnovu Pravilnika o kriterijima i načinu korištenja sredstava vodnih naknada i prihoda prikupljenih na osnovu zakupa javnog vodnog dobra ("Službeni glasnik Unsko-sanskog kantona", broj: 14/24) i Odluke o kriterijima i postupku raspodjele sredstava utvrđenih u razdjelu 20 odobrenih u Budžetu Unsko-sanskog kantona za 2025. godine broj:03-03-51-447/25 od 21.04.2025.godine ("Službeni glasnik Unsko-sanskog kantona", broj: 11/25), ministar Ministarstva poljoprivrede, vodoprivrede i šumarstva, objavljuje:

JAVNI POZIV
za raspodjelu sredstava iz Budžeta Unsko-sanskog kantona za 2025. godinu:
Kapitalni grantovi drugim nivoima – Koncesije za vode

I PREDMET JAVNOG POZIVA

Raspodjela sredstava iz Budžeta Unsko-sanskog kantona za 2025. godinu: Kapitalni grantovi drugim nivoima – Koncesije za vode za projekte općina/gradova na području Unsko-sanskog kantona sa ciljem omogućavanja ostvarivanja prava na eksploataciju prirodnih resursa – voda, revitalizacije izvorišta i toka voda koja su dati ili se mogu dati na koncesiju, izgradnje/sanacije vodnih objekata u funkciji korištenja predmeta koncesije i ekološke zaštite flore i faune na i u predmetima koncesije u cilju ublažavanja negativnih posljedica nad predmetom koncesije.

II PRAVO UČEŠĆA

Pravo na podnošenje prijave imaju jedinice lokalne samouprave sa kandidiranjem jednog projekta, u skladu sa ovim Javnim pozivom.

III POTREBNA DOKUMENTACIJA ZA KANDIDOVANJE PROJEKATA

1. Uz prijavu za učešće u Javnom pozivu i projekat za koji se traži dodjela sredstava, podnosilac obavezno dostavlja sljedeću dokumentaciju isključivo u **originalu ili ovjerenoj fotokopiji**:

- a) Popunjen, potpisan i ovjeren prijavni Obrazac OPK (Aneks IV) koji se preuzima na web stranici Vlade Unsko-sanskog kantona www.vladausk.ba (u dijelu Javni pozivi);
- b) Izjava o visini vlastitog učešća u implementaciji kandidovanog projekta koja je potpisana i ovjerena od odgovorne osobe sa naznačenim iznosom vlastitog učešća, zajedno sa izvodom iz Budžeta jedinice lokalne samouprave;
- c) Ako postoji drugi investitor (koncesionar ili drugi partneri u projektu) dostavlja se dokaz o visini sredstava kojima će isti sufinansirati projekat (sporazum o saradnji ili ugovor ili drugi dokument kojim se dokazuje da su sredstva obezbjeđena za kandidovani projekat);
- d) Ukoliko se kandidira izrada projekta, dostavlja se ovjeren projektni zadatak;
- e) Odobrenje za građenje za projekte revitalizacije izvorišta voda, odnosno izgradnju/sanaciju javne lokalne putne infrastrukture u funkciji korištenja predmeta koncesije (u obrascu OPK navesti podatke o projektnoj dokumentaciji);
- f) Finansijski izvještaj za prethodnu godinu, ako su korištena budžetska sredstva Unsko-sanskog kantona od koncesija;

2. Prijave dostavljene nakon isteka roka iz ovog Javnog poziva, ne razmatraju se i vraćaju se podnosiocu neotvorene.

3. Prijave koji ne ispunjavaju formalno-pravne uvjete (nepotpuni i neuredni zahtjevi, zahtjevi koji sadrže dva ili više projektnih prijedloga/projekata ili projekat koji nije predmet Javnog poziva, kao i zahtjevi uz koje sva dokumentacija nije dostavljena u originalu ili ovjerenoj kopiji) Komisija Ministarstva ne razmatra i o istom obavještava podnosioca zahtjeva u pisanoj formi.

Protiv dostavljene obavjesti podnosioci zahtjeva imaju pravo na prigovor ministru Ministarstva u roku od 5 dana od dana prijema obavijesti. Odluka ministra o prigovoru je konačna.

IV NAČIN PODNOŠENJA PRIJAVE

Prijave se dostavljaju u zatvorenoj koverti sa popisom dostavljenih priloga, s tim da se za predloženi projekat dostavlja popunjen OPK obrazac, koji se preuzima sa web stranice Vlade USK (www.usk.ba).

Na koverti čitko napisati:

MINISTARSTVO POLJOPRIVREDE, VODOPRIVREDE I ŠUMARSTVA UNSKO SANSKOG KANTONA

Alije Đerzeleza broj 2, 77000 Bihać

Javni poziv za kandidovanje projekata za dodjelu sredstava - koncesije za vode

Ministarstva poljoprivrede, vodoprivrede i šumarstva za 2025. godinu

“NE OTVARAJ- otvara Komisija za utvrđivanje i provođenje Javnog poziva

V ROK ZA PODNOŠENJE PRIJAVA

Rok za dostavljanje prijava ističe 15 dana od objavljivanja na službenoj stranici www.vladausk.ba.

Prijave dostavljene nakon isteka roka iz Javnog poziva vraćaju se podnosiocu neotvorene.

VI POSTUPAK ODABIRA PROJEKATA

Postupak Javnog poziva provodi Komisija koju imenuje ministar sa zadatkom da prikuplja prijave za dodjelu sredstava, utvrđuje njihovu blagovremenost, provjerava potrebnu dokumentaciju za kandidovanje projekata i vrši odabir kandidovanih projekata na osnovu posebnih kriterija u skladu sa Pravilnikom o kriterijima i načinu korištenja sredstava vodnih naknada i prihoda prikupljenih na osnovu zakupa javnog vodnog dobra (“Službeni glasnik Unsko-sanskog kantona”, broj: 14/24), Odlukom o kriterijima i postupku raspodjele sredstava utvrđenih u razdjelu 20 odobrenih u Budžetu Unsko-sanskog kantona za 2025. godine broj:03-03-51-447/25 od 21.04.2025.godine (“Službeni glasnik Unsko-sanskog kantona”, broj: 11/25) i ovim Javnim pozivom.

VII KRITERIJI ZA ODABIR PROJEKATA

1. Opći kriteriji za kandidovanje projekata za sufinansiranje

Odabir kandidovanih projekata koji ispunjavaju uvjete iz ovog Javnog poziva, Komisija Ministarstva vrši samo za sljedeće kategorije projekata:

a) Projekti prema njihovoj svrsi:

- 1) Izrada studija o ekonomskoj opravdanosti dodjele koncesije na vodama sa potrebnim istraživanjima;
- 2) Revitalizacija izvorišta i toka voda koja su dati ili se mogu dati na koncesiju;
- 3) Izgradnja/sanacija vodnih objekata u funkciji korištenja predmeta koncesije;
- 4) Realizacija projekata ekološke zaštite flore i faune na i u predmetima koncesije u cilju ublažavanja negativnih posljedica nad predmetom koncesije.

b) Projekti koji imaju osigurano vlastito učešće ili koje sufinansiraju donatori, kreditori ili drugi subjekt, iskazano kao procenat od procijenjene vrijednosti kandidovanog projekta.

2. Posebni kriteriji na osnovu koji se boduju projekti

Odabir kandidovanih projekata koji ispunjavaju uvjete iz Javnog poziva, Komisija vrši bodovanjem projekata prema njihovoj svrsi i prema iznosu vlastitog učešća ili učešća koncesionara ili drugog partnera u projektu, iskazano kao procenat od procijenjene vrijednosti kandidovanog projekta na način utvrđen Odlukom o kriterijima i postupku raspodjele sredstava utvrđenih u razdjelu 20 odobrenih u Budžetu Unsko-sanskog kantona za 2025. godine broj:03-03-51-447/25 od 21.04.2025.godine ("Službeni glasnik Unsko-sanskog kantona", broj: 11/25).

U slučaju jednakog broja bodova prednost se daje projektu čija realizacija bi imala veći stepen zaštite prirodnog resursa koji je predmet koncesije.

Ukoliko zbir iznosa obračunatog finansiranja/sufinansiranja svih pojedinačnih zahtjeva bude veći od iznosa sredstava utvrđenih u članu 20. navedene Odluke izvršit će se proporcionalno smanjenje svih odobrenih pojedinačnih iznosa.

VIII OBAVJEŠTENJE I PRIGOVOR

Nakon dostavljenog izvještaja Komisije, ministar Ministarstva utvrđuje preliminarnu rang listu uspješnih projekata za finansiranje/sufinansiranje u skladu sa raspoloživim sredstvima, koja se objavljuje na službenoj web stranici Vlade Unsko-sanskog kantona (www.vladausk.ba u dijelu Javni pozivi).

Podnosioci prijava čiji su projekti bodovani, imaju pravo prigovora na preliminarnu listu uspješnih projekata, ministru Ministarstva u roku od 5 dana od dana objave preliminarne rang liste.

Odluka ministra Ministarstva po prigovoru iz prethodnog stava je konačna. Nakon rješavanja svih podnesenih prigovora, ministar Ministarstva utvrđuje konačnu rang listu uspješnih projekata i objavljuje je na službenoj stranici (www.vladausk.ba , u dijelu Javni pozivi).

Ministarstvo i jedinice lokalne samouprave sa konačne rang liste zaključuju ugovor kojim se detaljnije utvrđuju prava i obaveze ugovornih strana u realizaciji odobrenog projekta, uključujući način i dinamiku doznačavanja sredstava odobrenih u budžetu Unsko-sanskog kantona.

Ovaj Javni poziv biće objavljen na službenoj web stranici Unsko sanskog kantona www.usk.ba u dijelu „Javni pozivi“.

Za dodatne informacije podnosioci prijava mogu se obratiti Ministarstvu do isteka roka za podnošenje prijava i to putem e-maila: poljoprivreda@vladausk.ba ili kontakt osobe: Haris Redžić; telefon: 037-971-211.

Broj: 08/4-21-3111-⁴⁸/25
Bihać: 22.07.2025.godine

